







Pharmacopœi Parisienſis

Ex Dono Magistri
GILLÆT

1765

...ENT
C^{na} reprehensione r
... M





ALCHYMIÆ COMPLEMENTUM, ET
PERFECTIO

SEV

MODUS ET PROCESSUS
ARGUMENTANDI, SIVE
multiplicandi omnes Lapides, & Elixera in virtute, sive
qualitate, & etiam in quantitate, unâ cum
projectionis via.

Olim à

SAMUELE NORTONO BRISTOLLENSI
INCHOATUS —

Nunc verò

AB EDMUNDO DEANO ANGLO MED. D. ME-
dico Eboracensi auctor & perfectior editus.

Deane

CVI ACCESSIT EXPLANATIO INTENTIONIS
Philosophorum, cum de decimo loquuntur numero, in quo Opus finiri debet:
in qua etiam miraculosum ostenditur Secretum Lapidis animalis
ex sanguine humano secundum Georgium

Riplaum.

Denuò adjuncta est Conclusio libri, omnibus sex Libris Alchymicis
prius à nobis editis, æquè ac huic, inferviens

TERENTIUS.

Æquum est ignoscere, quæ sine reprehensione veteres scititarunt, si faciant novi.

I D E M

Eum esse quæstum in animum induxi maximum, quàm maximè
serviæ vestris commodis.



FRANCOFURTI,
Typis Caspari Röteli, Impensis Guilielmi Fitzeri,

Anno M. DC. XXX.



311

William H. ... 1874

AMERICAN ...

...

...

...

...

...

...

...



TABULA SIVE RAMUS ARBORIS PHILOSOPHICÆ de processu augmentationis Medicinarum, seu Lapidum tam in virtute, quam per fermentationem, explanans etiam modum & ordinem augmentandi omnia Elixera in virtute, & in quantitate, nec non projectionis viam edocens.

TU, quisquis es, si vè fili, si vè frater, si vè lector, cui fors erit nostros sex libros Alchymicos prius editos perlegere, nobis fidem adhibe, atque crede, quod omnia ea, quæ in eis scripta invenies, aut sunt omnium scriptorum approbatissima scripta, ex iisdem collecta, aut nostra experimenta certa. Nam multa probavimus, & multa verissima invenimus. Non vivit mortalium quisquam, equidem credo, qui majores noverit præparationum modos, qui ab omnibus ferè Philosophis celantur. Nam quod grossum perficit, & terminat opus, id celaverunt omnes, scilicet corporum, seu metallorum calcinationem, ^{Opus grossum.} solutionem, & elementorum separationem: unde omnium laborantium in hac arte oritur error.

Nam postea conjungere, putrefacere, si vè in sulphur reducere, ^{Philosophicum.} sulphur in Lapidem præparare, fermentare in Elixer, augmentare in virtute, & in quantitate est solummodò opus Philosophicum, de quo tota Philosophorum turba cursu continuato scripsit.

Sed notandus est benè divertus in hac arte operandi modus; exempli gratiâ; productio, seu creatio sulphuris albi semper fit in balneo; sed ejus rubificatio fit in cineribus, & sic de aliis multis.

Quapropter in omni operatione Alchymicâ necessarium est, ut Operator benè, & subtiliter intelligat differentiam artis, & naturæ, & quæ sunt absolutæ horum periodi.

Quorum naturalis Archæus, & mineralium periodus est, ut ex ^{Archæus terre naturalis.} Mercurio imperfecto, ac impuro, & sulphure imperfecto, ac impuro

metalla in terræ cunabulis producerentur, siuè puriora ea sint, siuè impuriora; in maiore climatum caliditate Sol, & Luna, aurum scilicet, & argentum; & in frigidioribus climatibus cætera quinque imperfecta corpora, secundum uniuscuiusque climatis varietatem, & loci, calorisque proprietatem, & graduationem.

Archæus artis
supernaturalis
& metaphysicæ.

Sed supernaturalis, & metaphysica artis potestas, & secretæ Philosophiæ Archæus est super terram artificiali quodam modo ex Mercuriis, & Sulphuribus puris è terreis corporibus extractis puriora componere corpora, nempe aurum & argentum, & cum eis Medicinam vitæ, & quintam Essentiam, sanantem omnes morbos, & languores microcosmi. Sed ad inceptum properemus.

Quoniam verò in unoquoque ferè Ramo prædictorum librorum de via projectionis, & augmentationis locuti sumus, ut eorum Ramus quivis sine quovis dubio, ac cum plurimo intellectu prætereat, ideò ea jam explanabimus, & enucleabimus, quàm apertè poterimus, ut omnibus eis Ramis, & opusculis æquè inserviant.

Augmentatio
Medicinæ in
virtute.
Raymundus.

Primum itaque possidebit locum augmentatio virtutis, siue qualitatis: de qua Raymundus sic dicit: Augmentum in qualitate & bonitate est ipsam tincturam solvere, & coagulare, hoc est, Mercurio nostro imbibere.

Arnoldus.

Sed attentius attende Arnoldum: Recipe, inquit, tincturæ præparatæ partem unam, & solve in tribus partibus Mercurij nostri. Deindè pone in vase, & sigilla vas, & pone inter cineres calidos per totum, ut suprà expressum est, donec exsicceetur, & pulvis fiat. Deindè aperi vas & iterum imbibe, & exsicca, ut suprà. Quoties enim hoc pluries feceris, toties aliquas partes lucraberis, & ultra tinger.

Ex clangore
Buccinæ.

Ac etiam ut reperitur in clangore Buccinæ: Dissolves Medicinas in aqua Mercurij sui albi, vel rubei, ex quibus fuerunt procreatæ, quousque fiat aqua clara; & postmodum congeles, & cum suis oleis inceres eas super igne, quousque fluant. Certè sua virtus erit duplicata in tinctura cum suis perfectionibus: quia pondus, quod projiciebatur super duo millia; & in ista multiplicatione non est magnus labor.

Multiplicatio
Medicinæ
duplex.

Iterum (inquit) multiplicatur Medicina dupliciter: Solutione caliditatis, vel solutione raritatis. Solutione caliditatis est: ut accipias Medi-

5
Medicinam in vase vitreo impositam, & eam sepelias in igne nostro humido 7. diebus, vel amplius, donec Medicina solvatur in aquam sine turbulentia. Solutione caliditatis.

Solutione raritatis: ut sumas vas vitreum cum Medicina, & suspendatur illud in olla nova ænea, cujus orificium sit strictum, in qua bulliat aqua, & orificium sit clausum, ut ex vapore aquæ bullientis, ascendente vapore, solvatur Medicina. Solutione raritatis.

Sed nota; quod aqua illa bulliēns non tangat vas vitreum in quo est Medicina per spacium trium digitorum, & solutio sit fortè uno die, vel duobus aut tribus.

Postquàm (procedendo inquit idem author) Medicina fuerit soluta, aufer ab igne ad refrigerandum, fixandum, & congelandum, indurandum, vel desiccandum, & solvatur pluries: nam quantò plus resoluta fuerit Medicina, tantò perfectior erit. Et talis solutio est Medicinæ subtiliario, & virtualis sublimatio. Quæ quantò plus reiteratur, tantò abundantius, & plures tingit.

Unde dicit Rhafis: Non dependet hujus bonitas multiplicationis, nisi in multiplicatione reiterationis, sublimatione, & fixatione Medicinæ perfectæ. Quia quantò plus hujus complementi ordo reiteratur, tantò illius exuberantia magis operatur, & augmentatur. Nam quoties magis solitò sublimaveris Medicinam perfectam & solveris, toties lucraberis omni vice ad projiciendum, unum pondus super mille. Et si primò cader super mille, secundò cadit super decem millia, tertio super centum millia, quartò super mille millia, & sic in infinitum. Rhafis.

Dicit enim Morienes Philosophus. Scitote pro certo, quod quantò plus solvitur Lapis noster, & congelatur, tantò plus Spiritus & Anima conjunguntur, & retinentur ab ipsis, & qualibet vice tinetur multiplicatur. Morienes.

Alio modo multiplicatur Medicina per fermentationem; & est fermentum ad album Luna pura; & fermentum ad rubeum, Sol purus. Projiciatur ergò una pars Medicinæ super duas fermenti (nos dicimus tres Medicinæ partes super unam fermenti) & totum erit Medicina: & ponatur in vase vitreo super ignem, & claudetur sic, ut aer non intret nec exeat, & servetur, & regatur, & subtilietur, quoties volueris, Multiplicatio Spiritu-
lis per fer-
mentationem.
Ex clangore:
Buccinæ.

lueris, sicut fecisti de prima Medicina; tantam virtutem recipiet una pars secundæ Medicinæ, quantam habuit una pars primæ Medicinæ (sed debet sic legi, tantam virtutem recipiet una pars secundæ Medicinæ, quantam habuerunt centum partes primæ Medicinæ) sic enim per solutionem, & fermentationem poterit Medicina multiplicari in infinitum.

Riplæus.

Ultimò his concordat Georgius Riplæus noster in libro 12. Portarum, volens multiplicationem spiritualement fieri debendam sic per fermentum, & illud postea projiciendum, ad fermentationem corporalem.

De hujus multiplicationis modo plura scribere vanum erit, quoniam cæteri omnes huic assentiuntur Philosopho, ita ut satis superque de his declaratum fuerit.

Multiplicatio corporalis.

Raymundus.

Ad alterum igitur augmentationis modum nos conferamus; qui multiplicatio corporalis dicitur, & secundum Raymundum sic definitur: Augmentum est præexistentis quantitatis additamentum.

Avicenna.

Undè scribit Avicenna: Grave etiam est super mille millia projicere, & illa incontinentem penetrare. Quare vobis unum magnum secretum tradam. Commiscenda est una pars cum mille partibus corporis viciniore (corpus illud vicinior dicimus, quod est ejusdem metalli corpus, de quo Medicina conficitur) & hoc totum claude in uno vase firmiter & apto, & ponendum est illud in furnum fusionis per tres dies, donec inseparabiliter fuerit totum conjunctum.

Unde latius, & melius dicitur ab eodem authore: Modus autem operis est iste, ut projicias partem unam Medicinæ prædictæ super partes centum auri fusi, & facit ipsum frangibile, & totum erit Medicina: cujus una pars projecta super centum cujuslibet metalli fusi, convertet ipsum in aurum optimum.

Projectio omnimoda. Ex scala Philosophorum.

In Scala Philosophorum de omnimoda projectione paucis verbis sic habetur: Sciendum est, quod prius dicitur projice; id est, ponere unum super mille, & c. Melius tamen est projicere nunc dimittere super fundamenta, & fundamenta super verba mea, & verba mea super diligam te Domine, & diligam super attendite.

Ænigma

Ænigma hoc breve si declaretur, nihil aliud existit, nisi prioris authoris verba, & sententia sub ænigmate conclusa. Reperamus itaque ænigma, sive oraculum.

1. Nunc dimittis super fundamenta :
2. Fundamenta super verba mea :
3. Verba mea super diligam te :
4. Diligam te super attendite.

Nugæ sunt ad perfectionem artis studiosè celandam, si verbis adeò simplicibus experts artista diverti potuisset : quæ quanquam primò Philosophantibus dura esse videantur, tamen sic explanare oportet. Ad primam itaque sententiam sic accedimus.

Nunc dimittis super fundamenta. Per quod significatur, verbum penè ultimum preces audientibus, sive fundentibus. Hic enim allegoricè accipitur pro penultimâ operis actione, quæ Lapis, seu Medicina dicitur. Quæ Medicina projicienda est super Solis, vel Lunæ olea quæ in spirituali augmentatione sunt artis fermenta, & fundamenta spiritualia. Et fermenta ea, seu fundamenta in Medicinam conversa projicienda sunt super Solem, & Lunam, aurum scilicet, & argentum, quæ in augmentatione corporali sunt artis quoque fermenta, & fundamenta corporalia.

Fundamenta super verba mea. Hic etiam allegoricè eodem modo accipitur : quoniam adagicè dicitur, verba sunt venti. Quasi diceret quisquam : Verba nihil aliud sunt, nisi buccarum motus, & pulmonum exhalatio ex novem corporis instrumentis conflata, nec citius ex motu oriuntur, quàm in aërem effugiunt, & convertuntur. Pari modo, Arg. vivum, seu Mercurius sive naturalis is sit, sive artificialis, qui per certa instrumenta ex corporibus, seu metallis exit, tam volatilis in igne sive calore existit, quàm prolata in buccis verba adeò Mercurius verbis assimilatur, super quem fundamenta projicienda sunt.

Verba mea (nempè Arg. vivum) super diligam te : id est, Medicina ista projicienda est super ea metalla, quæ maximam affinitatem habent cum Mercurio, & facillimam fusibilitatem, uti plumbum, & stannum : quæ propter eorum amorem, dilectionem, & concordiam cum Arg. vivo in Medicinam etiam facile convertuntur per eundem Me-

dem Medicinæ penetrationem, & amicitiam. Cujus pars una convertet partes centum, vel mille aliorum metallorum in aurum, & argentum, secundum formam, vim, & penetrantem Elixeris potestatem. Quæ alia metalla, quoniam corporum priorum substantiæ sunt, ex quibus primæ generantur Medicinæ, nempe Lapides, earum medicinarum sunt attendentia. Quamobrem præcipit hic Philosophus, ut

4

Diligam te super attendite projiciatur; id est, hæc ultima Medicina super illud metallum præcipue, de quo prima medicina erat composita, ut illud in aurum, vel argentum convertat, secundum Medicinæ proprietatem, & qualitatem. Et sic tibi verè explanantur hujus ænigmatis verba.

Arnoldus.

Sed ut finis huic projectioni imponatur, erit secundum Arnoldi Sententiam ex libro 2. Rosarij sui collectam & ex capitulo 31. Qui jubet projicere partem unam Elixeris corporalis super partes centum Mercurij purgati, & abluti, & fiet totum Medicina. Deinde projice partem unam Medicinæ istius congelatæ super alias partes centum Mercurij abluti, & fiat totum Medicina. Postea pone unam partem istius Medicinæ ultimò congelatæ super alias centum partes Mercurij abluti, & fiet totum aurum, & argentum perfectum, & purum, secundum quod primum fuerit Elixer album, vel rubeum præparatum, & compositum.

Projectionis
recapitulatio
brevis.

Deniq; ut breviter recapitulemus absolutum projectionis modum; Medicinæ primò projiciendæ sunt super fermenta sua. Deinde super aurum vel argentum fustum. Postea super Arg. vivum, quousq; illud in Medicinam convertet. Ultimò super metalla propinquiora, ut in aurum purum, vel Lunam convertantur, secundum proprietates, & qualitates Medicinæ.

Propin-
quitas metallo-
rum.

Quia de metallorum propinquitate loquuti sumus, nempe quod Elixer projiciendum est super corpus illud imperfectum, è quo ejus Mercurius, & sulphur prius erant abstracta, idèd hîc de ea proponamus exemplum; verbi gratia, si Medicina è Mercurio efficiatur, tunc super Arg. vivum projicienda est ad aurum, vel argentum faciendum, quoniam Arg. vivum est corpus Mercurio propinquius: & sic de cæteris.

Notan-

Notandum tamen est, quòd omnia Elixera & possint, ac debeant super Arg. vivum projici: quia Arg. vivum est mater ac sperma omniũ metallorum. Arg. itaque vivum in Medicinam factum, & conversum projiciendum est super corpus ei vicinius, quod plumbum, vel stannum est, super quæ, Medicina, sive fuerit alba, sive rubea, semper projicienda est ad metallum transmutandum.

De purgatione, seu depuratione Argenti vivi in opere Mercurij satis prius diximus. De plumbi etiam, & stanni repurgatione in opere Veneris sufficienter egimus: ad quos libros lectorem referre decrevimus. Prius enim tam Arg: vivum, quàm plumbum, & stannum purganda sunt, ut à fordiditate suâ deparentur, ac depriventur, sicut latius patet in dictis libris. Quamobrem nota; quod unumquodque Elixer projicere oportet ad metalla facienda super Arg. vivum, aut super plumbum, vel stannum.

Sed ut adhuc projectionis modus magis innotescat, & dilatetur, duas tibi regulas enarrabimus, & apprimè caveto, necas obli-
Regule duæ obliervandæ,

Quarum prior est, ut pars una fermenti projiciatur super tres partes Medicinæ (seu Lapidis) & pars una istius Medicinæ super partes centum auri fusi, vel Lunæ; & una pars medicinæ sic confectæ super centum partes corporis imperfecti, præcipue verò Mercurij ad Medicinam.

Posterior est, ut semper animadvertas debilitatem tuæ Medicinæ. Nam toties projicienda est super Arg. vivum, quoties illud in pulverem, seu medicinam frangibilem fortiter rediget. Quod cum facere desiverit, tunc projice partem ejus unam super plumbum, aut stannum, ut metalla fiant, secundum ordinem, & formam Elixerum. Hisce nunc bene concipere potes ordinem, & modum augmentationis cujusque in virtute, & in quantitate.

TABULA, SIVE RAMUS ARBORIS

Philosophicæ explanans intentionem Philosophorum, cum de decimo loquuntur numero, in quo opus ultimandum est; ac etiam miraculosum ostendit secretum Lapidis animalis.

Ut ad finem perducatur ultimum istius libri caput, in quo declarandum est, quid sibi ipsis Philosophi volunt, cum opus in decimo numero finire iubent, hoc modo id intelligendum est. Sicut enim ex Hyle quatuor sunt divisa, sic ex Hyle, sive Chao de Metallorum. Quia cum metalla, seu corpora in liquorem solvuntur, in uno tunc continentur numero (quod corporis est solutio) ex quo secretiori distillatione fiunt duo, nempe cælum, & terra, seu menstruum, & sal. Quod infundo remanet, terra est, sive sal; quod distillatur, & per Alembicum superat, menstruum est, & cælum.

Cum menstruum separatur, in tria convertitur, nempe in aquam, in aërem, & in ignem. Notandum tamen est, quod aër, qui aquæ est pars prior, aëream dispositionem continens, quanquam sit in forma aquæ, tamen pro aëre reputatur, & post perfectam ejus rectificationem est Mercurius tingens, & spiritus metallorum albus. Sic de oleo quoque considerare debemus; quod quanquam non sit ignis in forma, sed liquor, tamen propter adurentem ejus caliditatem, & ignitum calorem dicitur ignis. Et sic habentur unum, duo, tria.

Rota Philosophorum
prima.

Cum horum trium sit conjunctio, nempe aëris, & aquæ cum suo sale, in putrefactione hæc tria uniuntur in una quinta essentia, & fiunt in unum corpus novum, in quo tria uniuntur in uno sulphure, quod verissimus est Philosophorum Mercurius. In creatione hujus sulphuris albi rotam Philosophorum semel pertransivisti.

Rota Philosophorum
secunda.

Sed ut opus in decimano perficiatur numero, si his tribus in prædicta unitate conclusis, & postea rubificatis, adderetur ignis, qui quartum est elementum, tunc quatuor ista si nova conjunctione putrescant in lento cinerum igne, fiet Lapis. Nam in isto opere novos iterum mutat colores, & in Lapidem rubeum convertitur. Et sic hoc pacto quatuor in unum conjunxisti: nam 1. 2. 3. 4. decem efficiunt.

ciunt. Et sic finitus est Lapis in decimo numero; & etiam sic Philosophorum rotam bis per transivisti, teste Riplæo Anglicè sic scribente.

But yet againe two tymes turne about thy wheel.

Id est; Nihilominus bis adhuc tuam rotam circumdes, oportet. Sic transtulit Nicholaus Barnaudus Gallus medicus Delphinus.

Iterum cum igne, sive anima solvendus est Lapis, & desiccandus, donec penetret, ac fluat: postea cum oleo Luminis rubei fermentandus est in Elixer. Et sic Philosophorum rotam ter pertransivisti. Tunc enim Medicina tertij ordinis dicitur.

Rota Philosophorum
tertia.

De hujus solutionis modo Riplæus Anglicana sua carmina scripsit, docens resolutionem Lapidis albi, & rubei, antequam fiat Elixer transmutans, vocans hos duos Lapides, suas Bases.

Do, as I bidd thee, then dissolve these foresaid Bases Wittilies;

And turne them into perfect oyles wth our true water ardent.

By circulation yt must be done, according to our intent.

These oyles will fixe crude Mercurie, and convert bodies all
Into perfect Sunne and Moone, when thou shalt make projection.

That oylish substance pure and fixt Raymund Lullie did call

His Basiliske, of wch he never made so plaine detection.

Id est; Fac, sicut te jubeo, & cautè dissolve has Bases prædictas & converte illas in olea perfecta cum nostra aqua vera, & ardente; quod per circulationem fieri debet secundum propositum nostrum. Hæc olea figent Mercurium crudum, & corpora convertent omnia in perfectam Solem, & Lunam, quando projicies. Hanc oleagineam substantiam puram, & fixam Raymundus Lullius vocabat suum Basiliscum, cujus nunquam tam planam fecit explicationem. Idem.

Quibus carminibus facillè patet ejus Bases solummodò fuisse duo Sulphura, sive duos Lapides, quos ille alio in loco vocat suas mineras: quæ solvi debent cum sua aqua ardente, per ejus circulationem super Sulphura donec in Lapides efficiantur. Nam in hoc loco ccipit & Spiritum, & Animam pro aqua sua ardente: volens, ut

Spiritus, & Anima administrentur secundum eorum tingendi naturas ad Basis suæ resolutionem. Et sic explanata tibi dantur verba huius ænigmati de decimo numero. Quod cum sit finis artis, ad finem reservavimus.

Restat tamen adhuc unicum Riplæi secretum revelare, quod à nullo antè eum Philosopho enarratum fuit unquam, modum scilicet efficiendi sulphur naturæ ex minera microcosmi, quæ est sanguis humanus. De quo totam Practicam scribit in suo libro 12. Portarum; sed præcipuè in sua Medulla; ubi magis apertè ejus præparationem, & opus ipsum docet sulphurisque creandi modum perfectum declarat. Quia autem nos verum esse probavimus, tantò fidelius illud enarramus: quia nihil ex proprio Marte scribere desideramus, nisi quod priùs probavimus.

Audies ejus Anglicana verba, quæ in 12. suis Portis scripsit, quæ in fine ejus libri sunt carmina propè ultima:

I did neuer see true worke, trulie, but one,
Of wch in this Treatisse the truth I have tould:
Studdie there fore only, howe tho make our stones
For thereby maist thou winn both siluer and gold.
Upon my writings there fore to ground thee be bould.
So shalt thou loose nought, if God be thy guide,
Trust to my doctrine, and thereby abide.

Remember that Man is the most noble creature
Of earthlie composition, that euer God wrought,
In whom is of the 4. elements proportioned by natur
A new trall Mercurialitie, vvh costeth right nought,
Out of this Minè by arte to vs it is brought:
For our metalls benought els, but our Mines tvvo
Of Sunne, and Moone, vvishle Raymund said soc.

The clearnes of the Moone, and of the Sunne soe bright
Into these tvvo Mines descended secretlie.
Hovv be it that clearnes is hidd from thy sight,
By craft thou shalt make id to appeare openlie.

This

This hidd ſtone, this one thing there foro putrific.
 Waſh hinn vvth his ovvne broath, till vvwhite he become,
 Then ferment vvttillie: loe here is all, and ſumme.

Id eſt; verum opus, uno excepto, nunquam vidi, cujus veritatem in iſto Tractatu patefecit: tantum ergo ſtudet, ut hos lapides noſtros conficiat: nam ita Argentum, & aurum lucraberis. Scriptis itaque meis tutò confide; ita enim nihil amittes, ſi Deus ſit tibi propitius. Doctrinæ itaque meæ fidem adhibe, eamque ſequere.

Memento hominem eſſe nobiliſſimam creaturam ex compoſitione terreâ, quàm unquam Deus creavit; in quo eſt 4. elementorum proportionatorum per naturam neutralis Mercurialis, quæ omnino nihili conſtat, producitur arte ex ſua Minera. Nam noſtra metalla nihil aliud ſunt, quam noſtræ duæ Mineræ noſtri Solis, & Lunæ, ut Raymundus ſapienter notat.

Splendor Lunæ, Solis lucidi in has duas Mineras ſecretè deſcendit, quamvis ſplendor ſit abſconditus tuo viſui, arte potes efficere, ut appareat manifeſtè. Hunc lapidem abſconſum, hanc unam rem putrifica, lava in ſuo liquore, donec albeſcat; tum fermenta ſapienter. Et ſic habes ſummam huius operis. Idem Barnaudus.

Ex his ſolummodò verbis duo colliguntur apices, ad quos tendit Author. Quorum primus eſt, ut ſanguis humanus diſponatur ad putrefactionem, ut ſulphur creatur. Secundus ut ſulphur cum ingenio fermentetur; ac ſi diceret, artiſex illud præparet, ut aptum ſit ad fermentandum. Sic de Theorica. Super eſt, ut paulisper hîc taceamus, donec ex Medulla Riplæi tota declaretur Practica.

Accipiendus eſt igitur ſanguis humanus ex hominis ſani vena extractus menſe Martis, & ex homine Martiali, ut puto, quod Author intimat. Cum itaque emiſſus ſit ſanguis è vena, refrigerſcere finito, ut aqua viridis ab eo re coletur, quæ ſalinaria eſt. Nam quamdiu aqua illa ſalinaria cum ſanguine remanet, is putreſcere nolit; quoniam ea ſanguinem conſervat ab omni putredine, cum in corpore remanet ſano.

Sanguinem ſic præparatum repone in Ovum Phyſicum bene & firmiter clauſum, & putrefactionem fac in balneo, donec 150. dies pertranſiverint. In 40. diebus, vel minus, caput corvi apparebit, &

sic deinceps per totum usque ad albedinem, uti sæpius prius diximus in aliis opusculis.

Sulphur tuum album sic genitum in duas partes divide, unamque serva pro Lapide albo. Alteram verò rubifica pro opere rubeo. Et sic habebis tuas duas Mineras; de quibus sic dicitur:

For our metall's are nought els, but our Mines t'vvo
Of Sunne and Mone ivvislie Raymund said so.

Id est; ut supra: Nam nostra Metalla nihil aliud sunt, quàm nostræ duæ Mineræ nostri Solis, & Lunæ, ut Raymundus sapienter notat. Et sic deinceps ad finem carminum.

Jam habes tua duo sulphura præparata; si philosophus sis, ad ultimationem procede, & opus conclude in decimo numero, & da Sulphuri Mercurium suum, ut absolvatur opus: Sin minus ad nostram philosophiam minimè natus es.

Nota; quod Sulphur Philosophorum non est minerale, aut metallicum sulphur, de quo metalla sub terra oriuntur, sed est sulphur depuratum per artem ex metallis extractum, & prolicitum super terram, de quo & de corporis Mercurio oritur lapis.

CONCLVSIO OMNIBVS NOSTRIS SEX LIBRIS

Alchymicis prius editis æquè, ac huic, infer-
viens.

Sic filiis, fratribus, & lectoribus aperuimus & tradidimus omnia antiquorum Philosophorum secreta; quorum scripta præcipuè erant edita, hanc artem potius abscondere, quàm illam docere, aut manifestare. Quanquam enim Hermeti dicere placuit, & protestari, quod nunquàm aliquid hujus artis aut docuisset, aut prophetasset, nisi ad animæ suæ periculum euitandum, ut veluti ex Authore fidei donum fidei recipisset, sic illud fidelibus relinqueret: tamen cum ejus scripta legeris sive in Tabula sua Smaragdina, sive in Apocalypsi, sive in 12. Capitibus aureis, & nihil in eis apertum inveneris, quid de tali authore, quæso, senties?

Mihi credite, quod omnes antiqui præparationum secreta in opere grosso celarunt; quanquam de philophico uberrimè scripserunt.

runt. Ideò nos operam dedimus, experiri. Nam ex eorum libris invenimus, quod Elixer effici possit ex Planetis, sive Metallis, ac etiam ex mediis mineralibus, quæ ad metallicam naturam magis appropinquabant. Tum plura perlegentes, tandem invenimus methodum quandam inter omnes, quasi uno consensu depositam hoc modo.

Primò, & principaliter, ut corpora non corporea redderentur, nempe ut discorporarentur, vel discomponerentur, & in liquorem reducerentur, quem Hylen, sive Chaos nominarunt. Opus grossum. 1

Secundò, ut ex Chaodica substantia, quæ unum quiddam est, elementa tria seperarentur, & depurarentur. 2

Tertiò, ut elementa separata, & depurata conjungerentur, mas, & femina; cælum & terra, infinitis nominibus sic vocata, ut ignari ea diversa fore sentirent, quæ solummodò nihil erant aliud, nisi aqua & sal; Mercurius albus, aut rubeus & terra: quæ simul conjungebant, ut in putrefactione corpus crearetur ex imitatione creationis novum, æt purum, infans scilicet microcosmicus, seu sulphur naturæ. Philosophicum. 3

Quartò, ut lacte pasceret; & postea per fermentationem nutritus, ad perfectum robur cresceret. 4

Hisc itaque edocti, ad Practicam nos conferimus, & in unaquavis corporis, aut spiritus Practica diversos invenimus errores: sed plura legentes, & plura probantes, tandem modum invenimus omnia corpora solvendi, separandi, & conjungendi, eorum invenientes compositionem secretissimi secreti, nempe Lactis Virginis, sive Aceti acerrimi, & Aquæ Raymundi calcinativæ: cum quibus omnia corpora ad placitum dissolvebamus, & grossum perficiebamus opus.

Quamobrem decrevimus, inusitato Philosophorum more, totam aperire opus, ne cum eis invidi, alicui essemus erroris causa. Nostri itaque, quæ verè, & apertè scripta sunt, sua addidimus, eaque simul in unam conjunximus methodum, ut Artista posthac nullos unquam alios egeat legere libros Alchymicos præterquam nostros. Nam in eis omnia ea continentur, quæ apertè à Philosophis scripta inveniuntur, & etià quæ experientia sunt vera reperta à nobis.

Haud

Haud latet, credite nobis, aliquod in arte Spagyricâ, sive Alchymica secretam, quod non veraciter in eis enarratum, & plane ætum habes, Lactis Virginis, sive Aceti Philosophorum arcano exdocept. Totam artem jam traditam habes, qua, Deo annuente, sine errore ad ejus finem pervenies.

Sed ut ea certius memoriæ committantur, quæ in eis dicta sunt, partium generalem processum recensebimus, sicut in Arbore generali ad principium libri de Mercurio redivo, ac etiam in Martis opere describitur. Quoniam autem Luminum, & corporum non est una, sed varia tractatio, ideò Arbor in tres partes, seu Ramos dividitur. Quorum medius imperfectorum metallorum processum describit ad lapidem. Alteri duo perfectorum metallorum præparationes docent ad fermentandum Lapides corporum imperfectorum.

Modus præparandi corpora imperfecta.

1. Calcinatio corporum.
2. Solutio in Hylen.
3. Separatio Hyles per distillationem.
4. Conjunctio seperatorum ad putrefactionem.
5. Putrefactio conjunctorum ad sulphur.
6. Sulphuris præparatio ad fermentationem.
7. Fermentatio ad Elixer.
8. Elixeris augmentatio in virtute.
9. Elixeris augmentatio in quantitate per projectionem.

Faciunt aliqui 12. partes; sed tres alij gradus in his continentur.

Fermenta reiterare, fastidiosum esset; quoniam una est utriusque via sive albi, sive rubei; una igitur sufficit ars.

1. Calcinatio.
2. Solutio.
3. Putrefactio.
4. Sulphur.
5. Sulphuris solutio.

Fermentum rubeum. Aurum Potabile. Quinta essentia. Elixer vitæ rubeum.

Oleum

Oleum incombustibile Solis, seu Luminis rubei.
 Sic quoque de argento dicetur, cum præparatur
 Fermentum album, Argentum Potab. Quinta essentia. Elixer
 vitæ album.

Oleum incombustibile Lunæ sive Luminis albi.

Jam oritur tibi Sol relucens, quo fugatas invenies tenebras; ænigma-
 ta hinc aperiuntur, tribuli, & spinæ scinduntur, ac uruntur. Tute jam
 possis, Lector, Philosophiæ hortos perambulare, & celeberrimos,
 ac saluberrimos fructus in eis colligere. Hic rosæ crescunt fragran-
 tissimæ tam albæ, quàm rubæ. Hic nascuntur vites, uvas portan-
 tes uberrimas, è quibus fit Nectar saluterferum. Hic arboris ramife-
 ræ inveniuntur scientiæ, sanitatis Rami, & locupletissimi copiarum
 Rami, Solis, & Lunæ, auri scilicet, & argenti. Hic scientiarum, &
 cognitionum oriuntur fontes refrigerantissimi, per hortum artifi-
 ciosè paratum, fluentes super pretiosissimas gemmas, & arenas au-
 reas, ac argenteas. Hic habes a Deo tibi retributum novum Paradisi
 campum, ut, durante vita, ejus electi ab ægritudine conservarentur
 in sanitate. Hic natura corrupta incorruptam induxit: hic impura
 in puriora vertuntur. Hic denique morbi perduntur omnes, & salus
 crescit. Hic perfectissima corporis unitas, & harmonia inhabitat,
 & hic manet omnis excellens thesaurus. Ideò Deo semper agamus
 gratias pro tam rarissimis suis donis, illum colentes, illi obediētes,
 illum amantes, illumque deprecantes, ut super nos gratiam suam
 stabiliat, & ut in æternum nos conducat per omnes suas vias
 bonitatis, scientiæ, & fidei in vitam æternam.

Amen.

F. I. N. I. S.

Amen.

C

Oritur

F. I. N. I. S.

Oritur
Tenebras

Sol Dispergere.

Philosophorum
Nubes.





